

جَزَائِرِ حَاكِمِ

نومرو جمادی الاخر سنه ۱۲۹۰ ۲۵ ۱۸
 بازار ایرتسی ۶ اغستوس رومی سنه ۱۲۸۹ ۲۱۷ صحیفه

اشبوغزته بهر هفته بازار ایرتسی کونلری چیقار . سنه لکی برعثمانلی یوزلاک التوننه و بهر نسخه سی
 شمذیلک ایکیشر غروشه اوله رق هر یرده صاتیلور . سنه لکنه مشتری اولق استیانیلر
 مکتب صنایع مدیر لکنه مراجعت ایتلیدر

کیفیت لدی المذاکره مرقوم مصطفی رئیسک
 نتیجه اعتراضی حادثه مذکوره نک اقتضای بالقخانه دن
 استعلام اولنق لازم کلور ایکن اولنمدیغی وشاهدان
 مرقومانک افاده و اخبارزی خلاف واقع ایدوکی
 قضیه لری اولوب انجق اثنای محاکمه ده کیفیتک
 بالقخانه دن استعلام اولنمسنه دایر برکونه افاده سی
 وقوع بولمدیغی مثللو شاهدان مرقومان حقنده دخی
 برکونه اعتراضده بولنامش وشوافاده و اعتراض
 ایسه درجه اولی محکمه سنده درمیان اولنه جق
 مواددن اولوب محکمه تمیزده موجب نقض اولور
 اسباب قانونیه دن کوریه مامش اولدیغدن اعلام
 مذکور بالتصدیق حکمنک اجراسنه وتبلیع واعلام
 خرجی اولان یکریمی اوچ غروشک مصطفی رئیسه
 رجوع ایتک اوزره عثمان رئیسدن النسنه قرار
 ویریلوب کیفیت طرفینه تفهیم اولندی



تمیز حقوق دأر سندن ویریلان اعلام
 صورتیدر

التون وقدنفو خاتونلر ایله قلندر اوغلی سفر

تمیز حقوق دأر سندن ویریلان اعلام
 صورتک مابعدیدر

اعتراض لایحه سنده بومثللو خصوصاتک بالقخانه
 نظارتدن بالاستعلام ویریله جک معلومات اوزرینه
 حل وحسمی لازم کلور ایکن بوقاعده یه رعایت
 اولنمدیغی وبالغجیلر کتخداسی بومثللو ایشله مداخله
 ایدمیه جکی و دکرده بومقوله شیلرک وقوعی ضروری
 اولوب بونک ایچون تضمینات اعطاسنک امثالی
 دخی اولمدیغی بیانیله اعلامک نقضی محرردر
 جواب لایحه سنده دخی بویکی خصوصاتده عرف
 وعادته مراجعت اولنق طبیعی اولدیغی و کیفیت
 محکمه جه اصناف کتخداسندن بشقه ارباب وقوفدن
 دخی تحقیق وتدقیق اولنمدیغی بیانیله اعلام مذکورک
 تصدیق استدعا اولنمشدر

طرفین ۱۵ جمادی الاول سنه ۹۰ تاریخنده دأر یه
 جلب واستجواب اولندقد هری لایحه سی مندرجاتی
 تکرار ایله برابر مصطفی رئیس اعلام مذکورده محرر
 اولان افاده سی انکار واقعه اولنان شاهدلرک
 افاده یی خلاف واقع ایدوکنی دخی تذکار ایلشد

بیننده اولان منازعه دایر دیوان استینافدن ویریلان ۹ شوال سنه ۸۹ تاریخی اعلامک تمیزینی مستدعی سفرک ویرهش اولدیغی عرضحال تمیز حقوق دایره سنه حواله اولمغله اوراق متفرعه سیله برلشدیرلرک مطالعه اولندی

اعلام مزبورک خلاصه دایر مزبوره التون وقدنقونک ایکی قطعه سند موجبیه سفر ذمتده مظلوملری اولان یکریمی ایکی بیک غروشک تحصیلنه ایکنجی مجلس تجارتدن غیاباً حکم واعلام اولندقدن صکره ویریلان اعتراض علی الحکم استدعای اوزرینه اجرا قلنان محاکمه ده مرقوم سفر سندات مذکوره یی التونک زوجی پاولاکیک امریله بینلرنده اولان حسابده ادخال اولتق اوزره بلا بدل مزبوره ویرهش اولدیغی حالده شمدیه قدر ادخال محاسبه ایدلمدیکندن کندوسندن تحصیلی لازم کلیه جکی فقط

بوفاده سنی اثباته مقتدر اولمدیغندن مبلغ مزبورک حواله ویاخود نقد اویریلرک اندیغنه و بدلی پاولاکی طرفندن تأدییه اولمدیغنی بیلدکلرینه مزبوره زک تحلیف اولمسنی افاده اتمسی اوزرینه مزبوره زک وکیلی دیمترکینک مؤکله زینک بوبابده مین ایدوب اتمیه جکلرینه دایر جواب قطعی ویرماسی یمنندن استنکاف عد اولنهرق سفردن ادعایه صلاحیت اولمدیغنه مجلس مذکوردن بالتکرار حکم واعلام اولمش ایسه ده مرقوم سفر طرفندن ۳ مارت ۲۱ نisan سنه ۸۷ تاریخلرنده پاولاکیه کوندریلوب دیوان استینافه ابراز واره اولنان ایکی قطعه مکتوبک بعض فقره زنده یکریمی بیک غروش التونه وایکی بیک غروش قدنقویه پاولاکیک بورجی اولمدیغی و بونلرک فائضلرینک حسابلری ایچنده اولدیغی و مزبوره زک تحویللری حسابده داخل ایدوکی سوزلری مرقم کورنسی اوزرینه مرقوم سفر مبلغ مزبوری مع

فائض بالقبول پاولاکی ایله بیننده اولان حسابده ادخال ایلدیکنی سولمش وشو حالده مبلغ مزبورک پاولاکی طرفندن مزبوره زه حواله سنی قبول ایتدیکنی اقرار یله ثابت اولتق حسابیه مزبوره زه مین تکلیفنه صلاحیتی اولیوب مبلغ مزبوری هنوز المدیغنه دایر اولان ادعای پاولاکیه عائد بولمش اولمسیله درجه اولی اعلامی فسخ اولنهرق مبلغ مزبورک مع فائض سفردن بالتحصیل مزبورتانه اعطاسنه قرار ویرلدیکنی میندر

مرقوم سفرک ۱۲ صفر سنه ۹۰ تاریخی لایحه سنده محرر اعتراضی بش فقره دن عبارتدر برنجیسی مزبوره زک استیناف استدعای نظامنه موافق اولمدیغی حالده دیوان استینافدن قبول اولمدیغنی میندر ایکنجیسی سالف الیان مکتوبلر مزبوره زه خطاباً یازلمدیغی و کندوسنی مین حقندن اسقاط ایده میه جکی جهته دیوان استینافک بونلری دلیل جدید عد اتمسی معنارینی یا کلش اکلامسندن نشأت ایلدیکنی مضمندر اوچنجیسی دیوان استیناف اعلامنده مین تکلیفی حقنده کی قرارک قابل استیناف اولمدیغنه دایر درجه اولی اعلامنده محرر فقره نک مغایر نظام اوله جغفک بیان اولمسی نظام مذکوره یا کلش معنا ویرلمسندن منبعث ایدوکی شاملدر دردنجیسی بوخصوصه دایر اولان پروستوزی ابراز ایتدیکی اعلامنده بیان اولمش ایسه ده دیوان استینافک بونلری استیوب مطالعه ایتامسی اصول محاکمه یه مغایر بولمدیغنی مشتملدر بشنجیسی کندوسنک پاولاکیده الاجنی اولدیغی وسندات بدلی مرقومان طرفندن مواضعه طلب اولمقده بولمادیغی جهته مزبوره زه مین تکلیفنه نظاماً صلاحیتی اولمدیغنی مشتملدر

التون وقدنقونک وکیلی یورغانجی اوغلی دیمترکینک ۱۰ ربیع الاول سنه ۹۰ تاریخی جواب لایحه سنک خلاصه سی دخی سفرک ادعای واهی ایدوکی

مکتوبلریله مثبت اولوب اعتراضات مسروده ایسه اسباب تقضیه دن اولمدیغندن اعلامک تصدیق افاده سندن عبارتدر

طرفین دایره یه استنلرکده سقر بالذات وقدنقو والتون طرفلرندن مصدق سنده دیمترکی وکاله کلر یله لدی الاستحیواب مرقوم سفر لایحه سی مندرجاتی تکرار ایله برابر سندات مرقومه پاولاکیک امریله زوجیه سی و کریمه سی مزبورتان التون وقدنقو ناملریته ویرلش و بونلرک بدللری پاولاکی ایله بینلرنده اولان حسابده ادخال ایدلش ایسه ده مؤخرأ پاولاکی ایله رؤیت اولنان محاسبه ده اوپوشه مدقلرندن بدللری اندیغنی جهته تأدییه سی کندوسندن لازم کلیه جکی وشو حالده اصول محاکمه تجارت نظامنامه سنک اوتوز التجی ماده سی موجبیه مین تکلیفنه صلاحیتی وار ایکن دیوان مذکوردن رد ایله برمنوال محرر حکم اولمسی مخالف نظام اولدیغنی بیان و دیمترکی دخی مؤکله زینک سندات مشروعه یه مستند اولوب سندات مذکوره نک بدللری اندیغنه دایر مدعی سفرک درمیان ایتدیکی ادعاسنک مؤکله زینه عائد جهتی اولمدیغنی کی مرقوم سفرک پاولاکیه یازش اولدیغنی مکتوبلرنده سندات مذکوره بدللرینک مع فائض بینلرنده اولان حساب جاری یه ادخال ایدیلرک ذمتده ایدوکی مندرج بولمادیغنی جهته ارتق مین تکلیفنه حاجت قلمدیغنی اتیان ایله ذکر اولنان ایکی قطعه مکتوبک دعاوی تجارت قلندن مصدق بعض فقره زی ترجمه سنی ارئه ایتکلله لدی المطالعه سندات مذکوره بدللرینک مع فائض حسابلری داخلنده اولدیغنه دایر بعض سوزلر مندرج بولمشدر

کیفیت لدی المذاکره مرقوم سفرک نتیجه ادا واعتراضی مبلغ مدعی بهی متضمن اولان ایکی قطعه تحویلک بدلی اندیغنی و مزبورتانک اولوجهله تحلیفاری لازم کله جکی قضیه زی اولوب انجق

تحويلات مذکوره بدلاتنک فائضیه برابر قبولیه حواله ایدن پاولاکی ایله میانه زنده اولان حساب جاری یه ادخال ایلدیکنی مرقوم سفرک پاولاکیه یازش اولدیغنی سالف الیان مکتوبلری مندرجاتیه افاده واقعه سندن اکلاشلش وسندات مذکوره بدلاتنک اندیغنه دایر اولان ادعای مزبورتانه عائد اوله میه جفی جهته بوبابده مرقومه زه مین تکلیفنه صلاحیت کور یله ماهش اولدیغندن مرقومک اعتراضات مبسوطه سی قانوناً اسباب تقضیه دن اولیوب دیوان استینافک اعلامی یولنده بولمغله بالتصدیق حکمک اجراسنه و مرقوم سفرک سندات مذکوره بدلاتنک حواله ایدن پاولاکیک المدیغنی حقنده اولان ادعای ایچون ایستدیکی حالده پاولاکیک دعوی ایتسنه واعلام وتبلغ خرجی اولان ایکیوز یکریمی غروش ایله اوچ عدد بیاض مجیدیه نک سفره عائد اولتق اوزره وکیل مرقومدن اتمسنه قرار ویریلرک کیفیت طرفینه تفهیم اولندی

۲ جمادی الاخر سنه ۲۹۰ تاریخیله تمیز
 حقوق دایره سندن ویریلان اعلام صورتیدر
 بکچی یورکینک طودوری ایله بینلرنده اولان الاجق دعواسندن طولابی درسمعات مرکز بدایت محکمه سی برنجی حقوق دایره سندن ویریلان ۷ محرم سنه ۹۰ تاریخی اعلامک تمیزینی مستدعی ویرهش اولدیغنی ۱۷ محرم سنه ۹۰ تاریخی عرضحال تمیز حقوق دایره سنه حواله اولمغله طرفینک لایحه زیه برلشدیرلرک مطالعه اولندی

طرفینک برنجی حقوق دایره سنده جریان ایدن محاکمه زنده مرقوم طودوری یورکی ذمتده اولان اله جغفک تحصیلنی دعوا ایدرک ابراز ایلدیکی ۲۱ حیران سنه ۱۸۷۱ تاریخی وکدیک اوغلی

یورکی پوی مهر و امضای بر قطعه سندده تاریخند اعتباراً التمش بر کون صکره ادا اولمقی اوزره بوستانجی اوغلی طودورکی به اون عدد لیرا دینی اولدیغی مسطور بولمشدن مرقوم یورکی جوابنده مذکور سندده اولان مهر و امضاسنی بعدالتصدیق کندوسنک آخر کمنه ایله اولان الاجق ادعاسنه مرقوم طودوری بی طرفندن توکیل ایدرک ایفا ایدهجکی خدمتی مقابلنده مذکور سندی ویرمش بعده حاوی اولدیغی مبلغی دخی تماماً ایفا التمش اولدیغی سولمشدن بوکا جواباً مدعی مرقوم طودورکی مبلغ مذکور دن شمعی به قدر برافچه قبض الیایکنی بیان ایتسنه و مرقوم یورکی دخی مبلغ مزبوری ادا وتسليم الیایکنی نظامی دأره سنده اثبات ایده میوب دفع مشروچی قول مجرندده قالدیغنه بناء مذکور سندی تصدیق موجبجه سالف الذکر اون عدد عثمانی لیراسنک تحصیلنه حکم اولمشدن

مدعی تمیز یورکینک ۱۷ محرم سنه ۹۰ تاریخی لایحه اعتراضیه سی ایکی بنددن عبارتدر برنجیسی مذکور سندی آخریله اولان دعواسنک تسویه سی ضمنده مرقوم طودوری بی طرفندن وکیل ایدرک ایفا ایدهجکی خدمتی مقابلنده ویرمش ایسه ده مؤخرأ مذکور دعوی کندوسی اکیال ایش اولدیغندن اساساً مذکور سنک حکمی قالدیغی میندر ایکنجیسی سند مزبورک حاوی اولدیغی اقچه بی مرقومه تماماً ویرمش اولدیغندن واثباتدن عاجز بولدیغندن اصول محاکمه نظامنامه سنک اوتوز التجی ماده سی موجبجه مرقومه بمن تکلیف ایش ایسه ده دأره مزبوره بوکا عدم رعایتله مغایر نظام حکم ایش اولدیغی متضمندر

مدعی علیه طودورینک ۳ جمادی الاول سنه ۹۰ تاریخی جواب لایحه سی اوچ بنددن عبارتدر برنجیسنده مطلوبی سندده مربوط اولدیغندن مرقومک اعتراضاتنک قبوله شایان اولدیغی بیان اولمشدن ایکنجیسنده مرقوم یورکی برطرفدن سند مزبور آخریله اولان دعواسنک تسویه سی ضمنده ایفا ایدهجکی خدمت مقابلنده اعطا اولنوب مؤخرأ بالذات کندو طرفندن اکیال محاکمه ایدلش اولدیغندن سنک حکمی قالدیغی بیان ایلمکده ودیکر طرفدن دخی مبلغ محکومک کاملاً تأدیه اولدیغی سولمکده ایسه ده اشبوادعارک یکدیگرینه میان بولدیغی محرردر اوچنجیسنده دأره مزبوره ده اجرا قلنان محاکمه زنده مرقوم یورکینک بمن تکلیف ایتامش اولدیغی اعلام مذکور مندرجاتدن اکلاشیله جعی وبلغ مزبورک مع گذشته تحصیل دعوی اولمشیکن دأره مزبوره ده گذشته سنک یوریلدیکنه و نظاماً استدعا تاریخندن اعتباراً گذشته مطالبه سنه صلاحیتی بولدیغنه بناء مبلغ محکومک گذشته سنک دخی اعلام مذکورده درجی اقتضا ایدهجکی بیان قلمشدن

طرفین ۲ جمادی الاول سنه ۹۰ تاریخنده دأره به جلب واستجواب اولندقدده هربری لایحه سی مندرجاتنی تکرار وبشقه بر دیه جکی اولدیغی تذکار ایتشدن

کیفیت لای المذاکره مستدعی تمیز یورکی برنجی حقوق دأره سنده وقوعبولان محاکمه ده طودوری به ویرمش اولدیغی سندی تصدیق ایله حاوی اولدیغی اقچه بی تماماً مدعی به ایفا الیایکنی بیان ایش اولدیغی حالده اشبو افاده سی نظامی دأره سنده اثبات ایده ماه سی اوزرینه باغ مزبورک تحصیلنه دأره مزبوره دن حکم اولمش اولدیغی کبی تمیز ایچون ویردیکی لایحه اعتراضیه ده در میان الیایکی وجهله سندی طودوری به اجرا ایدهجکی وکالت خدمتی مقابلنده ویرمشیکن مؤخرأ کندوسنک بالذات محاکمه ده بولمسی جهته سنک اساساً حکمی قالدیغنه دأره درجه اولیده برکونه افاده سی وقوعبولامش

وطودوری به بمن تکلیف اولندیغنه دأره اعلام مجبوت عنده برکونه اشارت اولیوب محکمه تمیزده رؤیت اولنان اعلامات مندرجاتنک محقق عد اولمسی ایسه حکم نظام اقتضاسندن بولمش اولسنه بمنی مستدعی تمیز یورکینک برمنوال مشروح واقع اولان ایکی نوع اعتراضی موجب نقض اولور اسباب قانونیه دن کوریه مامکله اعلام مذکور بالتصدیق حکمنک اجراسنه و برده مدعی علیه یورکینک جواب لایحه سنده گذشته ادعاسنک برنجی حقوق دأره سنجه حکم اولندیغنه دأره سرد الیایکی ادعای اعاده محاکمه استدعای اوزرینه دأره مزبوره ده تدقیق اولنه جق مواددن بولدیغی جهته بندن طولای طودوری ایسترایسه اعاده محاکمه صورتیه دأره مذکوره به مراجعت الیسی لازم کله جکنه و اعلام و تبلیغ خرجی اولان اون غروش ایله اوچ عدد بیاض مجدییه نک حقه سر چیقان مدعی مرقوم یورکی به رجوع ایتک اوزره اول امرده مزبور طودورینک التمسنه قرار ویرلدی وصورت قرار طرفینه تفهیم قلمهی

استیناف محکمه سندن ویریلان اعلام صورتیدر

آوقات مسبو بقاینک غلطه ده قله قبوسنده کائن باقونطوراتو مستأجراً اقامت الیایکی خانه دن اخراجی حقنده متصرفی حاجی علی اغا طرفندن وقوعبولان استدعا اوزرینه ابنیه مجلسندن ویریلان حکم و اعلامی قبول ایده میه جکندن بحثه کیفیت استینافاً رؤیت ایتدیرلنی مستدعی اعطا الیایکی عرضحال و لایحه اعتراضیه سی مذکور اعلام صورتیه برابر ۱۸ ذی القعدة سنه ۸۸ تاریخنده محکمه استینافیه به حواله بولمغله قرائت ومطالعه اولندی اعلام مزبور ۱۵ جمادی الاخر سنه ۸۸ تاریخیه

مورخ اولوب خلاصه مفهومی حاجی علی اغانک مرقوم بقلی به ایجار الیایکی مذکور خانه نک مدت ایجاری منقضیه اولدیغی بیانیله تخلیه سی ومترکم کراسنک تحصیل حقنده وکیل بدوس طرفندن ویریلان عرضحال اوزرینه مذکور خانه نک منازع فیه اولان زمانی بلا قونطوراتو مرور ایتدیکنندن لازم کلان یوز التمش بش غروش جزای تقدیسی اخذ اولندقدن صکره طرفین جلب ایله استجواب قلندقدده وکیل مرقوم استدعای وجهله خانه نک تخیه سیله برابر غایه جزیران سنه ۸۸ تاریخنده قدر ایشلش کرادن متباقی یکرمی اوچ عدد لیرانک تحصیلی ادعا ومرقوم بقلی دخی اگرچه قونطوراتو مدتی منقضیه اواش ایسه ده وقوعبولان مقاوله شفاهیه زینه بمنی خانه دن چیه میه جعی وغایه جزیران سنه ۸۸ تاریخنده دکن اون لیرا دینی بولدیغی افاده ایدوب بونک اوزرینه وکیل مزبور قونطوراتو مدتک غایه تموز سنه ۸۷ تاریخنده منقضیه اولدیغی بالیان مرقوم بقلینک اعترافی کبی اون لیریه موافقت ایش وقونطوراتو لدی القرانه مآلندن مدت مقاوله نک غایه تموز سنه ۸۷ تاریخنده منقضیه اوله جعی اکلاشلش اولمسیله ایجابی لدی المذاکره مزبور بقلی قونطوراتوده مندرج مدت ایجاردن بشقه مقاوله به دأره برکونه اوراق ارابه ایده میکنندن مذکور خانه نک غایه تموز سنه ۸۷ تاریخنده تخلیه سنه ومدعی علیه مرقومک جزیران غایتنه قدر تحت اعترافنده اولان اون لیرا ایله تموز آیلغی بولنان بش لیرا که جمعاً اون بش لیرانک کندوسندن تحصیلیه وکیل مزبوره اعطاسنه قرار ویرلیدی میندر مذکور عرضحال و لایحه دخی ۱۸ رمضان سنه ۸۸ و ۲۹ رجب سنه ۸۸ تاریخیه مورخ ومرقوم بقلی امضاسیله ممضی اولوب فذلک مآلری مذکور خانه نک ایشلش ایتلندن طولای وکیل مرقومک حکومه ته تقدیم الیایکی عرضحال اوزرینه

مبالغ مطلوبه تماماً تأديه قلندقدن بشقه اوج آيلق
كرادخی پشین اوله رق ویریلوب عرضحال مذکور
ابطال اولنه حق ایکن وکیل مزبور اشبورضخالی
مؤخرأ ابنیه مجلسنه حواله ایتدیروب بغیر حق
اوج آیلق کرا دعوی واعلام ایتدیرهش و مذکور
خانه ده دها ایکی سنه اقامت اولمسنه مقدماشفاها
کوستردیکی موافقتدن نکول ایدرک وکنندوسنک
امریله مذکور خانه نك زقاق طرفنه انشا اولنان
برقات محل ایچون یوزاللی لیرا قدر مصرفنی قبول
ایلیه رك خانه دن اخراجنه قیام ایتش اولدیغندن
وبوصورت عذری مؤدی ایدوکنندن بحثله بالمحاکمه
اجرای حقانیت اولتمق اوزره کیفیتك محکمه
استینافیه حواله سنی مستعدیدر

مومی الیه حاجی علی اغانك وکیل شهباز پارسخ
امضائی ۳ ذی الحجه سنه ۸۸ تاریخلی ویریلان لایحه
جوابیه نك نتیجه مفادی دخی مرقوم بدوس طرفندن
ویریلان عرضحالك شهر امانتنه حواله سندن مقدم
تحصیل اولندیغنی ادعا قلنان اوج آیلق کرانك قنغی مقام
رسمی معرفتیه تحصیل ایلدیکی بیان وتصريح
اولنه مامش و مستأنف مرقومك ابنیه مجلسنده جریان
ایدن محاکمه ده اشبو کرانك دینی ایدوکنی اقرار
واعتراف انلمسی ابطالی لازم کلان استدعائنامه نك
هرنصله امانت مشارالیه حواله ایتدیروش اولدیغنی
حتمده درمیان ایلدیکی سوزینك بطلاننه دلیل
قوی بولندیغنی کبی مرقوم بدوسک رأی ورخصتیه
صرف اولندیغنی ادعا قلنان یوزاللی لیرا مصرفه
دائر مستأنف مرقوم مجلس مزبوره برکونه
دعوی میدان قویامش ایکن شمدی بونك محکمه
استینافیه ده مجدداً درمیان اولمسی دخی نظاماً مجاز
اولمیه جغنی و بوجائز اولسه بیله مرقوم بدوسک
بیان اولنان رأی ورخصتی ثابت اولدقچه مجله
احکام عدلیه نك بشوز یکرمی طقوزنجی و بشوز
اوتوزنجی ماده نری حکمجه مستأنف مرقومك آخردن

نسنه طلبنه صلاحیتی اولمیه جغندن اعلام مزبورک
تصدیقیه شمدی به قدر ایشلش وایشلیه جک
اولان اجورانك دخی مستأنف مرقومدن تحصیلی
استدعا قلندشدر

مستأنف مرقوم بقلی به لاجل المحاکمه بالدفعات
جانب واخصار پوصله نری کوندریله رك دعوت
اولتمش ایسه ده محکمه به کلکدن امتناع ایشلشدر
مستأنف علیه وکیل مرقوم پارسخ محکمه به کلوب
وکالتی حاوی مصدق بر قطعه سند ابراز ایله
مستأنف مرقومك محکمه طرفندن دفعاتله وقوعبولان
دعوتیه ایجاب ایتامسی وقت کچورمک غرضنه مبنی
وبواسیه مؤکلی حتمده غدیری مؤدی اولدیغنی بیان
ایله بر موجب نظام غیباً اعلام مذکورک تصدیقنه
قرار ویرلمسی ومدت قونطورا تونك تاریخ القضایی
اولان سکسانیدی تموزی غایه سندن اشبوسکسان
سکر سنه سی نیسانی نهایتنه قدر کذران ایدن طقوز
ای ایچون قونطورا تالی ایلرده اولدیغنی کبی شهری
بشر لیرادن قرق بش لیرا کرانك دخی مرقوم
بقلیدن تحصیلنه حکم ایدلمسی طلب ایشلشدر

ایجابی لدی المذاکره بالاده بیان اولندیغنی اوزره
مستأنف مرقوم بالدفعات جلب واحضار پوصله نریله
دعوت اولتمش ایسه ده محکمه به کلکدن امتناع
ایشلش و وکیل مزبور دخی حکم غیبی ویرلمسی طلب
ایشلش اولغله اصول محاکمه تجارت نظامنامه سنک
ایشلش سکرنجی ماده سنک فقره اولسنه توفیقاً اعلام
مذکور حکمك تصدیقنه ومدت ایجار منقضیه
اولدقدن صکره ذکر اولنان طقوز آی قونطورا تسر
مرور ایتش اولدیغندن وبومدت ایچون وکیل
مرقوم پارسخ کرا طلبی اجر مثل دعوائی دیمک
اولوب مذکور خانه ایسه وکیل مرقومك افاده سندن
اکلاشلدیغنی اوزره وقف بولندیغندن اشبو اجر مثل
دعواسنک ابروجه عرضحال تقدیمیه ایجاب ایدن
محکمه ده رؤیتنه وخرج اعلام اولان بش بیاض

مجیدیه نك خرج صورت وتبلیغ ومصارف سائر ایله
برابر حقسنز چیقان طرفندن تحویل اولتمق اوزره
حاجی علی اغادن اخذ ایدلمسنه قرار ویریلرک صورت
قرار وکیل مرقومه تفهیم قلندی

محاکمات جزایه دأره سندن ویریلان مضبوطه صورتیدر

قندیه قصبه سی ساکنلرندن احمد اغانك ایلاً
خانه سندن اشبا سرقت ایدن مصرلی مصطفی
حتمده اجرا قلنان تحقیقات نظامیه به دأر کرد
ولایتك وارد اولان ۱۱ محرم سنه ۹۰ تاریخلی
وایکوز طقسان سکر نومرولی تجریراتیه دیوان تمیز
ولایتدن مصدق قندیه سنجایی مجلس تمیزی
مضبوطه سی واستنطاقنامه محاکمات جزایه دأره سنده
مطالعه اولندی

اوراق مرقومه مال لرنده سکسان طقوز سنه سی رجینک
طقوزنجی کجه سی ساعت بش قرار زننده مرقوم
مصطفی خانه سنه دیواردن اشهرق التی عدد قبالی
محان وایکی تجره وایکی عدد فس وچوقه نیتن
ویلاک وبر قیوط سرقت ایلدیکی مزبور احمد اغا
طرفندن ادعا اولمسی اوزرینه تدقیقات استنطاقیه به
ادی الابتدار مرقوم مصطفی لیله مرقومه ده
مجلس اداره اوطه جیسی خلیل اغانك خانه سی دیوارندن
مزبور احمد اغانك خانه سنه اشهرق مطبخده بولنان
برقپوطی سرقت ایلدیکی اقرار ایله ماعداسنی انکار
ایشلش اولدیغندن مرقوم مصطفانك ایکوز یکرمنجی
ماده قانونیه به توفیقاً اوج سنه مدله کورک قونلمسی
استشعار ومیان ادعا وانکارده قلان قصور اشیا مواد
حقوقیه دن اوله رق دردست تدقیق اولغله بشقه جه
مضبوطه سی تنظیم اولنه جغنی اشعار قانمشدر

مدلول اشعاره نظراً مرقوم مصطفانك لیلاً
اوطه جی خلیل اغانك خانه سی دیوارندن احمد اغانك
خانه سنه اشهرق برقپوط سرقت ایلدیکی اقرار ایله

تین ایتش اولدیغنه مبنی مرقومك ذکر اولنان
ایکوز یکرمنجی ماده قانونیه ایچانجه اوج سنه
مدله کورک قونلمسنه مخنجه قرار ویرلمش ایسه ده
ماده مذکوره قبالی و دیوار ایله محدود اولان
محاکمات دیوارنی دهرک ویا نردبان ایله اشهرق ویا آلت
مخصوصه ایله قیوسنی اچهرق خرسزلق ایدلره دأر
اوله رق مرقومك دیواردن ایشمی نردبان ایله اولوبوب
عادتا دیواره چقمق واونه طرفه کچمک صورتده
وقوعبولش اولمسی جهته حرکتیه مبنی ماده مذکوره به
تماس ایتدیکنه وایکوز یکرمی ایکی ماده قانونیه ده
لیلاً آدم اوتورر محلدن خرسزلق ایدلرک اوج سنه
مدله حبس اولمسی مندرج اوله رق مرقومك
فعلی دخی بوقبیلدن بولندیغندن ماده مذکوره
حکمنه توفیقاً و تاریخ حبسی اولدیغنی اوراق
مرقومه ده کوستریلان سکسان طقوز سنه سی رجینک
طقوزنجی کونندن اعتباراً اوج سنه مدله حبس
اولمسی ومیان ادعا وانکارده قلان اشیا الاجق
ویره جک مثللو مواد حقوقیه دن اولوبوب نفس
قضیه یعنی اسباب معالیه جزایه دن بولندیغنی
جهته صرف مواد حقوقیه رؤیت ایدن محاکم
ودأریه حواله سی لازم کلیه جکندن واساس ماده به
معلومات ایسه جهت جنائیه سنی رؤیت وحکم
ایدن هیأته حاصل اولدیغندن بونك حتمده
لازم کلان تدقیقات ایله ظاهره اخراجی تدابیرینک
دخی هیأت مزبوره اجراسیله حاصل اوله جق
نتیجه کوره عیناً وبدلاً مضطفادن استردادی
خصوصنک ولایت مشار الیه امر و اشعار بیورلمسنه
قرار ویرلیدی اولسایده امر و فرمان حضرت
من له الامر کدر

۲۰ جادی الاول سنه ۲۹۰ تاریخیه تمیز
حقوق دأره سندن ویریلان اعلام صورتیدر
ارکری قصبه سی اهالی سندن ابراهیم اغا سینو ایله

یکشهری حمداغا زاده رشیدک یکننده تگون ایدن
منازعه دایرینه ولایتک ۲۱ رجب سنه ۸۹
تاریخی و قرق دزت نومرولی تحریراتیه اوراق
مترعه سی ۲ شعبان سنه ۸۹ تاریخنده تمیز
حقوق دایره سنه حواله اولمغله مطالعه اولندی
مذکور تحریراتده ابراهیم اغا ورشید بک یکنلنده
وقوعولان اون ایکی بیک کسور غروشلق دعوی
اوزرینه جریان ایدن محاکمه زنده ترحاله مجلس
تمیزندن بدایه دیوان تمیز ولایتدن استینافاً
ویریلان اعلاملر حکمنه رشیدک طرفندن اعتراض
ایله کیفیتک تمیزاً رؤیتی استدعاسنه دایر ویریلان
ایکی قطعه عرضحال ایله اوراق مترعه سنک
برطایق ابراهیم اغایه تبلیغ اولنهرق دیگر طاقک
لفاً ارسال قلندیغی محرردر

دیوان تمیز ولایت اعلامک خلاصه مآلی رشید
بک وکیلی و مخدومی محمد بک طرفندن ویریلان
عرضحالده ابراهیم اغانک چفتلکندن پدیری رشید
بک چفتلکندن نقل ایدن چند نفر چفتیلرک ابراهیم
اغایه اولان اون ایکی بیک کسور غروش بورجلرینک
رشید بکدن تحصیلی حقنده ترحاله مجلس تمیزندن
ویریلان مضبوطیه اعتراض ایله کیفیتک استینافاً
دیوان تمیز ولایتده رؤیتی استدعا اولندیغندن
ابراهیم اغانک وکیلی صسادق اغا دخی جلب ایله
محاکمه لری اجرا اولندقد رشید بک وکیلی محمد
بک بواش حقنده مقدما ترحاله مجلس تمیزندن
برقطعه اعلام ویرلدیکی حالده بونک اوزرینه کیفیت
استیناف اولنموبده مقام ولایتدن ورود ایدن
تلفرافنامه اوزرینه قومیسون تشکیل اولنسی
نظامسز اولدیغنه وقومیسونک عادت بلده
اوزره ویردیکی حکم زراعت مجلسی اعلاملرندن
استنباط اولندیغنی و اساس دین مدبولر طرفندن
تصدیق اولندیغنی کبی محاسبیه دخی قانع اولدقلری
حاله کندوسنه مراجعت ایدلدیکی و حکم مذکور

بالجمله حاصلاتدن حصه زنی الوب برخیلی حیواناتیه
بربر نقل ایدلکری کوسترلدیکنندن مرقوم
چفتیلرک بورجلرینک رشید بکدن تحصیلی ورشید
بک دخی چفتیلره مراجعت ایتسی لازم کله جکی
خصوصلرندن عبارت اولوب خارجدن اولنان
تحقیقات دخی بومر کرده بولنش ایدوکنندن شو
حاله وکیل محمد بک ادعای واهی اولمسیله
ترحاله مجلس تمیزی اعلامنک تصدیقنه قرار
ویرلدیکی متضمندر

لایحه اعتراضیه نک خلاصه مآلی اول امرده یکشهر
دعاوی مجلسنده جرین ایدن محاکمه زنده خصمنه
جواب اعطاسنه قرار ویرلدیکی حالده مؤخرأ
قومیسون تشکیل ایدلسی و مذکور قومیسون
قراری دعاوی مجلسی قرارینه مباین بولندیغنی حالده
مجلس تمیزدن قومیسون مضبوطیه تصدیق
ایدلسی نظامه مغایر اوله رق بورازینی و دیوان
تمیز ویردیکی لایحه دهمحرر سار اعتراضاتی درمیان
ایدیکی حالده دیوان تمیزجه اصلا التفات
اولندیغنی و دیوان تمیز اعلامنده خارجدن اولنان
تحقیقات بومر کرده اولدیغنی کوسترلش ایسه ده
کیلردن تحقیق ایدلش ایسه جلب ایله مواجهه سنده
دخی تحقیق ایدلرک تحقیقات واقعنک خلاصه سیله
اسباب قانونیه نک اعلامه درجی لازم کلور ایکن
بورازه دخی رعایت قلندیغنی خصوصاتندن عبارتدر
ابراهیم اغا سینونک جواب لایحه سنک فذلک
مؤداسی دخی رشید بک دیوان تمیز ولایت
اعلامنک تمیزی استدعا ایتش ایسه ده یانیه ولایت
مقامندن کندوسنه تبلیغ اولنق اوزره محملنه
ارسال اولنان لایحه اعتراضیه صورتی مجلس
مهریه تصدیق ایتدیرلماش اولدیغنی مثلاً مذکور
لایحه ده ارانه اولندیغنی بیان اولنان کفیل طرفندن
ویریلان کفالت سندینک مصدق برصورتی دخی
مربوطاً ارسال اولندیغنی جمته اصول محاکمه

نظامنامه سنک یوز التنجی و یوز یدنجی ماده نری
احکامنه توفیقاً مذکور اعتراض لایحه سی موافق
نظام اولدقدن بشقه دیوان تمیز ولایت اعلامنک
رشید بک تبلیغ تاریخی اولان سکسان سکر
سنه سی مایسنک اون برنجی کونندن حساب
اولندیغنی حالده تمیز مدتک دخی منقضیه اولدیغنی
تین ایده جکندن تمیز استدعاسنک ردی افاده سنی
محتویدر

رشید بک وکیلی حسن فهمی افندی طرفندن
اعطاقلنان عرضحالده دخی لاجل محاکمه ابراهیم
اغانک و یاخود بر وکیلنک احضاری استدعا
اولنمشدر

ابراهیم اغانک جواب لایحه سنده ذات ماده دن بحث
اولنموب یالکز مدتک گذران ایدیکی و طرفنه تبلیغ
قلنان اعتراض لایحه سی مجلس مهریه تصدیق
ایدلدیکی و کفالت سندینک صورت مصدقه سی
دخی مربوط اولدیغنی بیانیه تمیز استدعاسنک
ردی طلب اولندیغنه مبنی اول امرده ایشک
بوجه تملری لدی التدیق اوراق مرقومه مآلرینه نظراً
دیوان تمیز ولایت اعلامنک ۱۱ مایس سنه ۸۸
تاریخنده تبلیغ اولندیغنی و ۲۳ اغستوس سنه ۸۸
تاریخنده دخی تمیز استدعاسیله لایحه و مصدق
کفالت سندی اعطاقلندیغنی اکلاشیلوب بوحاله
کوره تاریخ تبلیغ یوزدرنجی کونی یعنی مدتی
ظرفنده شرائط تمیزیه ایضا قانمش ولایحه
اعتراضیه نک تصدیقسز اوله رق تبلیغ قلندیغنی
ماده سنه کلنج لایحه مذکوره نک ابراهیم اغایه
تبلیغ اولنان صورتی مجلس مهریه تصدیق
اولنماش اولمسیله ابراهیم اغا لایحه جوانیه سنده
لایحه اعتراضیه صورتده مقام ولایتک تحریراتنه
لفاً کوندردلیدیکی تصدیق ادوب مقام ولایتک
بویله رسمی تحریراتنه ملفوف بولنان بر صورت
تصدیقسز دینیه میه جکی بدیهی بولمنسه و کفالت

سندیک مربوط بولنديغنه دار اولان اعتراضه عطف كلام اولنجه رشيد بلك تر حاله مجلس تميزندن مصدق واصولنه موافق ايكي قطعه كفالت سندی اعطا ايدرك بونك برقطعه سنك لايحه اعتراضيه ايله برابر ابراهيم اغايه تبليغي لازمكورك كن سهواً ايكي قطعه سنك اوراقيله برابر ديوان احكام عدايه ارسال قلنديغني اكلاشيلوب سهو مذکور ايسه رشيد بلك تميز حقنك سقوطني موجب كوريله مامش اولديغندن وشو حاله ابراهيم اغانك ادعاي مشروحي واهي بولنديغندن ذات ماده حقنه رشيد بلك لايحه سنه نه جواب ويره جك ايسه اوراسني بيان ايلسنك كندوسنه تبليغيله ويره جكي جواب لايحه سنك ارسالي ضمننده ولايت مشاراليهايه جوابنامه تسطيرينه ومذكور ايكي قطعه كفالت سندن بر قطعه سنك ابراهيم اغايه اعطا اولنق اوزره پازيله جق جوابنامه لفا ارسال قلمسنه قرار ويره لرك اولبايده تسطير اولنان تحريرات عليه جواباً ولايت مشار اليهانك ورود ايدن تحريراته ملفوف لايحه جوابيه اخيره ده مدت تميزك كدران ايتديكي و تميز استدعاسنك نظامنه توفيق اولنديغني جهته استدعانك ردی لازمكله جكي تكرار اولنش ايسه ده ايشك بوجهتلى مقدم بالتدقيق ابراهيم اغانك بوبايده اولان اعتراضاتي واهي اولديغنه قرار ويره لرك كيفيت ولايت مشاراليها معرفتيله كندوسنه تفهيم ايتديرلديكي جهته مذکور اعتراضاتك شمدي تكرار ايدلسنك بركونه حكمی اولنديغني كبي تكرار لايحه جوابيه ايسنلنه مجبورييت قانونيه كوريله مديكندن ديوان تميز ولايت اعلامك تميزينه لى الابتدار مذکور اعلامده مجلس تميز مضبوطه سنك نتيجه حكمی چقچيلرك محكوم اولان بورجلرينك رشيد بلكن تحصيلي مذکور قوميسوندن با اعلام افاده اولنديغني و ابراهيم اغانك ابراز ايلديكي شهادتنامه ده

دخی چقچيلرك رشيد بلك اوغلى محمد بلك اغواسيله بالمله حاصلاتدن حصه زيني الهرق برخيلي حيواناتيله برابر نقل ايلدكلى كوسترلديكي جهته چقچيلرك بورجلرينك رشيد بلكن تحصيلي خصوصندن عبارت اولوب خارجدن ايديلان تحقيقات دخی بومر كزده بولنديغندن رشيد بلك وكيلى محمد بلك ادعاسي واهي اولسيله مجلس تميز مضبوطه سنك تصديق قلنديغني كوسترلش و ابراهيم اغا دخی لايحه اخيره سنده رشيد بلك حقسنزلغنه دأربر طاقم اسباب بيان وتعداد ايلش ايسه ده اوراق مرقومه مالزلندن مستبان اولديغني وجهله بوايش بديا تر حاله مجلسنده بازويه رشيد بلك لهنه اعلام ويرلش وبواعلام ابراهيم اغا طرفندن وقوعبولان اعتراض اوزرينه كيفيتك ديوان تميز ولايته استينافاً رؤيتي لازمه دن بولنش اولديغني مقام ولايتدن چكيلان تلغرافنامه اوزرينه قوميسون تشكيليله يكيدن ايشه باقيه لرق اولبايده ويريلان راپورطويه استناداً مجلس تميزدن مقدمكي اعلام حكمنه مابين اولدق درجه اوليده ديكر اعلام ويرلسي اصول محاكمه مخالف بولنشككن مذکور مجلس تميز اعلامك ديوان تميز ولايته تصديق قلمسي وديوان تميز اعلامنده مصرح اولديغني وجهله رشيد بلك وكيلى برطاقم اعتراضات ايلديكي حاله اعتراضات مذكوره نك تدقيق ولازمكلان جوابلرينك اعطا قلمماسي وخارجدن اولنان تحقيقات بومر كزده اولديغني كوسترللوب بوثقيقات كملردن ايدليكك ونه دن عبارت ايدوكنك كوسترلئاسي وعلناً طرفين مواجهه سنده اجرا ايدلماسي كذلك اصول محاكمه مخالف ايدوكندن مذکور ديوان تميز ولايت اعلامي تقض اولندي واكرچه رشيد بلك وكيلى حسن فهمي افنديك سالف البيان عرضحالنده ابراهيم اغانك لاجل المحاكمه درسهاته

احضاري استدعا قلمش ايسه ده ديوان تميز اعلامي بوجه محرر اصول محاكمه مخالف اولسي جهته بالطبع تقضي وايشك ينه محلنه حواله سي لازمكليكندن محاكمه ايجون احضاره حاجت كوريله مدي بناء عليه اعلام مذكورك كيفيت منقوضتي قيدي بالاسنه شرح ويرلدكدفكره خصوص مزبورك ديوان تميزده اصول ونظامنه توفيقاً رؤيت ايتديرلسي وبعدازين بويله درجه اوليده رؤيت اولنان موادك استينافي يولنه كيدنيوبده قوميسيون تشكيل اولنق كبي ايشك نظامي دأره سندن چقارلسنه ميدان ويرلئاسي خصوصلرينك ولايت مشار اليهايه اشعار قلمسنه و ابراهيم اغانك ذات ماده حقنه اولان افاداتي ديوان تميزده تدقيق اولنه جق مواددن اولغله اوراده استماع وتدقيق اولنسنك يازيله جق تحريرات عليه درج وعلاوه اولنسنه واعلام وتبليغ خرجي اولان يوز يكرمي سكر غروش ايله اوچ عدد بياض مجيده نك ايلروده حقسنز چقه جق طرفه عايد اولق اوزره رشيد بلك وكيلى حسن فهمي افنديدن تحصيلنه قرار ويرلدي

۴ جادی الاول سنه ۱۲۹۰ تاريخيله تميز

حقوق دأره سندن ويريلان اعلام صورتيدير

سكه كش باشي عبد الفتاح افنديك حرمي شهيمه

خانمك عورت حصاري قضاسنده متصرفه

اولديغني چققلك وارضيدن طولاني سلائيكي داود

فدائي افندي وشريكي صادق اغا وبوغورج

وكوكلي چققلكلري اهالسي ايله ياننده تحدث

ايدن منازعه يه دأر حواله جمعيتندن باستنظيم

حقوق دأره سنه حواله بيوريلان ۳ ذى القعدة

سنه ۸۹ تاريخي مذكرة مطالعه اولندي

مذكرة مزبوره ده بو خصوصك محلنده بالحاكه

فصلي امور طبيعيه دن كورغش ايسه ده افندي

مومي اليه بو ايشه محالجه غرض قارشيدغندن وينده امر عالي وسندات واوراق سائر بولنديغندن بحثله كيفيتك اول امرده بوراده تدقيق اولنسي مصرأ افاده ايتكده بولنديغني بيانيله مرجع رؤيتي تعيين اولنق اوزره بوخصوصه دأر اولان اوراقك حقوق دأره سنه حواله سي لزومي كوسترلشدر

اوراق مزبوره دن سلائيكي ولايتنك ۲۳ شوال سنه ۸۹ تاريخي تحريراتك مالى ماچقوده ساكن بعض خرسيتيانك اصحابندن الدقلى اراضينك قوچانلري يذرده اولديغني وطابو سندنزي تنظيم اولنق اوزره مضبوطه سي كوندردليكي مومي اليه عبد الفتاح افنديك فصله اراضى مذكوره نك طايلوريني حرمي اسمنه يادرش اولديغني شوراي دولت اغضاسندن اولوب كچلرده مأموريت مخصوصه ايله سلائيكيه بولنش اولان سعادتلو عل شفيق بك افندي حضرتلري طرفندن تلغرافله باب عاليه انها اولنديغنه ومومي اليه عبد الفتاح افنديك حرمي عهده سنده بولنان ماچقوه چققلكي اراضيسي مياننده وعلى اغانك تحت تصرفنده بولنان اراضينك برمقداري مخدومه انتقال ايدوب قصوري آخر فريه اهالسندن بولنان صادق اغايه فراغ اولنش ايسه ده بولر چققلك مزبورك حدودي داخلنده اولديغندن بحشله بدل مثليه طرفنه اجراي فراغى حقنده مقدما ويرمش اولديغني تقرير اوزرينه محالنه امرنامه سامي يازلديغني قيداً تبين ايتسنه مبنى طرفينك محلي مجلسنده اجراي محاكمه زيله نتيجه حاصله نك انها سي ولايت مشار اليهايه اراده واشعار بيورلش وكيفيت لى التدقيق ذكر اولنان ماچقوه قريه سي اهالسندن بعض خرسيتيانك سكسان ايكي واوچ تاريخلنده قريه مزبوريه يارم ساعته مسافه ده بولنان بوغورج قريه سي حدودنده صاحب ارضك اذيله تفرغ ايتدكلى اراضينك اصولي وجهله علم وخبرزي

بالتنظيم بر طاقی کند و زینه اعطا و بر طاقی
دخی دفتر خانه به کوندلک اوزره مضبطه سیله
برابر مرکز لویه بعث واسرا اولمش ایکن اراضی
مزبوره کندی چفتلکی داخلنده اولدیغندن بحثله
بدل مثلیله عهده سینه تفویضی حقنده خانم مومی
ایها طرفندن واقع اولان استعدا و اولیاده دفتر
امانتی ایله محلی اراضی مأموری بیننده جریان
ایدن مخباره اوزرینه اراضی مرقومه نك بدلی
بولنان یکرمی التي یک بوقدر غروش خانم مومی
ایها طرفندن تسویه و ایضا اولتمسزین مرکز
لواده بولنان مذکور علم و خبر بر نصلسه تصحیح
اوله رق دفتر خانه به اسرا و موجبجه خانم مومی
ایها به طاو سندن زی اعطا قلندیغنی اکلاشلش
اولوب انجق خانم مومی ایها نك اشبو اراضیده
خلیط و شریکلیکی اولیوب یالکز کندی اراضی نك
بعضی سیله همحدود اولدیغنی و اراضی امیری
حقنده شفعه دعواسی جاری اوله میه جغی کی برقریه
اهالی سندن یره ضرورتی اولانلرک آخر قریه
اهالی نك تفرغ ایتدکلری اراضی بی بر سینه قدر
طلب و دعوا به حق و صلاحیتلری و ارایسه ده خانم
سومی ایها قریه اهالی سندن اولیوب در سعادته
ساکنه بولندیغندن بو طلب و ادعا به حق و صلاحیتی
اوله میه جغی و اهالی مرقومه یدزنده بولنان علم
و خبر موجبجه اراضی مزبوره بی زراعت و غرس
و اعمار ایدوب شمدوفر خطنک دخی اورادن مروری
ملا بسه سیله و قتیله یوز غروشه الدقلری بر تلانک
شمیدی ایکی اوچ بیک غروش قیمتده اولدیغندن
بحثله اراضی مرقومه بی بر وجهله ترک ایده میوب
بدزنده بولنان قوچانلر موجبجه کند و زینه طاو
سندن نك اعطاسی استدعاسنده بولندقلری محلی
متصرفلغندن انها اولمش اولدیغنی مثلاً سلا نیکلی
داود فدائی افندی و ماچقوهلی علی اغانک ماچقوه
و بالمش و کیاریس و بوغروچ نام محله ده مشترکاً

متصرف اولدقلری بیک طقوز یوز یکرمی درت
دویم اراضی نك نصف حصه سی علی اغادن سلیمان
نام کسینه و سلیمان طرفندن صادق اغایه و دیگر
نصف حصه نك نصفی دخی داود فدائی افندی
جانبندن مرقوم صادق اغایه مقدما فراغ اوله رق
مضبطه نك دفتر خانه به کوندلرلیکی قیداً تبین
ایتمش اولمسیله مومی ایله عبد الفتاح افندی
کچنلرده حرمی ایله برابر سلا نیکه کلرک اهالی
طرفندن وقوعه کلان مداخله نك منعی استعدا
ایتمسی اوزرینه محله کوندلرلان مأمورلرک اجرای
تحقیقات ایتدکلری صروده اهالی مرقومه دن
اسلام و خرسیتیان برچوق کسان اللنده بولنان عتیق و جدید
طاو سندی و علم و خبری ایله مرکز ولایته کلرک
ایا واجه دادن ارثاً و انتقالاً تصرف ایتکده
اولدقلری اراضی بی خانم مومی ایها نك هر نصلسه
بدینه کچورمش اولدیغنی طاو سندن زیله اعلاماته
استناداً ضبط و مداخله به قیام ایتدیکنی بیان ایله
تظلم حال ایتلریله طرفینک اصولی وجهله
محاکمه زی خصوصی مجلس تمیز لویه حواله
و خانم مومی ایها طرفندن بروکیلک تعیین وارسالی
دخی دفعاتله افندی مومی ایله اشعار و افاده
اولمش ایسه ده امتثال ایتوب حرمی ایله برابر
در سعادته عودت ایتش اولدیغندن و بوبابده اجرا اولنان
تدقیقات و خارجدن النان معلومات دخی اهالی
مرقومه نك حقی اولدیغنی مؤید اولوب حتی خانم
مومی ایها عهده سنده بولنان مذکور ماچقوه
چفتلکی اراضی نك اوچ بیک ایکوز سکسان
دویمدن عبارت اولدیغنی مقید بولندیغنی حاله
بوکره اجرا اولنان مساحده ده اون بشیک بشوز
سکز دویمه ابلاغ اولندیغنی اکلاشلدیغندن بحثله
محله ده محاکمه شرعیه و نظامیه بالا اجرا احقاق حق
اولمش اوزره خانم مومی ایها نك بالذات و یا خود
بر وکیل شرعی نك اوریاه اعزامی لزومی بیاندن
عبارت بولمشدر

مشار ایله علی شفیق بک افندی نك ۲۱ جادی الاول
سنه ۸۹ تاریخی تحریراتده دخی خانم مومی
ایها نك سکسان بر تاریخنده تعیین ایتدیردیکی دلی
طرفندن و یریلان اعلام موجبجه اهالی نك طاو
درتیوز دویم اراضی نك کند و حدودی داخلنده در
دیهرک ضبط ایتدیکنه قناعت ایتوب بوکره دخی
ماچقوهلی علی اغانک حال حیاتنده اوغلنه واندن
دخی ماچقوهلی صادق اغا و داود افندی به طاو
جدید ایله کچن چفتلک اراضی سینه کویا احتیاجی
اولدیغندن بحثله بر تقریب استحصا ل ایلدیکی
امرنامه سامیده مندرج قانونه توفیقاً مذکور
چفتلکی مومی ایها نك المش اولدقلری اوچ یوک
غروش بدل ایله اشترا ایتک استمش ایسه ده مومی
ایها نك عدم موافقتلری اوزرینه دعوائی
دکشیروب مذکور چفتلک داخلنده اولوب
کند و سینه اک زیاده لزومی اولان درت یوز سکسان
دویم اراضی نك کند و چفتلکی داخلنده بولندیغنی
ادعا ایتسینه و مذکور چفتلکه مخصوص قرق
عدد خانه نك یرزی خانم مومی ایها نك اولدیغنه
مقدمکی مرافعه ده هر نصلسه حکم شرعی لاحق
اولسندن طولای یالکز اجاره زمین طلب ایتکده
حق و ارایسه ده بونی قبول ایتوب مقطوعاً قیمتی
اعطا ایله مذکور خانه زی اهالی سیله برابر ضبط
ایتمک افکارنده بولمسنه مبنی کیفیت دیوان تمیزه
حواله اوله رق اجرای محاکمه زی ایچون طرفین
وکیلرینی تعیین ایتش اولدقلری حاله بوسورت
ینه خانم مومی ایها نك ایشنه الیرم دیکندن سکسان
بر تاریخنده بر تقریب استحصا ل ایلدیکی فرمان
عالی بی میدانه چیقارمش و مذکور فرمانک حکمنه
توفیقاً سالف البیان درتیوز دویم اراضیدن بشقه
خانم مومی ایها نك لاعلی تعیین حدودی داخلنده
اولوب مداخله اولنان اراضی نك منعی حقنده محله
مأمور مخصوص کوندلرلش ایسه ده بوبابده محلیجه

واقع اوله جق افاده مجرده اوزرینه مومی ایها نك
یدزنده بولنان طاووز به باقلیه رق بلا مرافعه مذکور
درتیوز سکسان دویم اراضی بی دخی خانم مومی
ایها نك بلابل ضبط ایده جکندن شبهه اولیوب
بوا یسه مغایر حقانیت اولدیغنی کی بر موجب استعدا
مطلوعاً قیمتی اعطا اوله جق خانه زی دخی سکسنه
سیله برابر کند و چفتلک سینه علاوه ایلدیکی حاله
مومی ایها نك التي یوک غروش قیمتده اولان
چفتلک کک نك دکری ثلثی درجه سینه تنزل ایدرک
غدری موجب اوله جغی بیانیله اشبو دعوانک اصله
توفیقاً رؤیت ایتدیرلسی صمننده والی ولایته
تبلیغات مؤثره اجراسی لزومی اشعار اولمشدر
ولایت مشار ایها نك ۱۷ صفر سنه ۹۰ تاریخی
تحریراتده دخی باب عالی قواصلرندن محمد اغانک
اوشلب قریه سنده متصرف اولدیغنی ترلازله میزی به
عائد اوزمانک خانم مومی ایها طرفندن ضبط
اولدیغندن بحثله اجرای ایجابی حقنده و یرمش
اولدیغنی استدعانک اوراق متفرعه سیله برابر
کوندلرلیکی و بو دعوی دخی بالاده مرقم موادک
تفرعاندن ایدوکی انها واشبو تحریراته ملفوف
محلی دعاوی مجلسی مضبطه سنده دخی بوماده
مقدما مولای مخصوص معرفتله رؤیت اولمش
ایسه ده بوکا دائر محلیجه قید و معلومات اولدیغنی
انبا قلمشدر
ولایت مشار ایها دن ۷ محرم سنه ۹۰
تاریخیله وارد اولان تحریرتک مائی دخی خانم
مومی ایها نك ماچقوه چفتلک سینه قدیم محله ده
بولنان اسکانه بی بو اراق ترک ایله سهوه چفتلک سینه
حاجی عبده اغا نام کسینه نك متصرف اولدیغنی
ترلار ایچنده خود بخود بر اسکله انشا ایتدیکی
ادعا اولندیغندن بونک دخی اجرای محاکمه سیچون
خانم مومی ایها طرفندن بر وکیلک تعیین وارسالی
افاده سنی مبیدر

اوراق مزبوره نك دائره حواله اولنديغى متعاقب خانم مومى اليهانك وكيلى حسن فهمى واهاليدن صادق اغانك وكيلى جيران غرغور افنديلر طرفندن دائره بر لايحه اعطا اولنمسيه بونلر دخی مطالعه اولندي

حسن فهمى افنديك لايحه سي ۱۵ ذى الحجه سنه ۸۹ تاريخيله مورخ ومندرجاتى درت ماده دن عبارت اولوب برنجيسى مؤكده سنك چفتلك وارضيسيه مشتملات ساريسي طاپو سنداقى واعلامات شرعيه ومتعدد فرمانلر ايله قطعياً تحت تصرفنده بولنديغدن تكرار محاكمه حاجت اولنديغى جهته مداخله واقعه نك منغنى آمر محله امر نامه سامى تسطيرى وايكنجيسى سالف البيان خاننر ايچون مقطوعاً قيمت ورك اراضى قانوننامه سنك اوتوز بشنجى ماده سي احكامندن بولنديغدن بونك دخی اولوجهله ايفاي مقتضاسى واونجيسى مؤكده سنك چفتيلردن لديغى اون اوچ پارچه اراضينك قيمتى اعطا ايدى جكندن چفتيلر استرر ايسه اراضى مرقومه قيمتى واسترر ايسه چفتلكدن كتمك اوزره اراضيلرني المقده مخير اولدقلى ودردنجيسى صادق اغا ايله بيننده اولان قابريقه منازعه سنك دخی محلنده رؤيت وفصل اولنمسي افاده زيني شاملدر

جيران غرغور افنديك ۳۰ محرم سنه ۹۰ تاريخلى لايحه سي دخی درت بندن عبارت اولوب برنجيسى خانم مومى اليهانك تصرف داعيه سنده بولنديغى چفتلك وارضى التمش التى تاريخنده استحصال ايلديكى امر عاليده مندرج حدودك خارجنده اولديغى كې سكسان بر سنه سنده دخی على اغا وداود فدائى افندي وپوغروج وقرای سارو اهايسى عليه نه ادعايه قيام ايله تعين ايتيرديكى مولى معرفتيله اصول وجهله مرقومان على اغا وفدائى افندي ايله اهاينك اكثرى محاكمه ده

بولنديلمسرين اهاينك يوز سنه ودها زياده مدنديرو متصرف اولدقلى خيلى اراضى ومرعه وخانه ودكان ودكرمنلرى كندوسنه باجحت ملك اوله رق حالا اهاينك يد تصرفنده بولنمش اولديغى وايكنجيسى اهاينك باطاپو متصرف اولدقلى التى يوز بوقدر قطعه اراضى به دخی مداخله ايتكدن بشقه طرفينك اراضيسى ارسنده بولنان نهرك صوبى مؤخرأ چكلمسيه نظاماً جانب ميريه عائد اولان بونجه اراضى بي دخی ضبط ايلش اولديغى واونجيسى مومى اليهانك ينده بولنان طاپو سندرينك خلاف واقع انها اوزرينه بلاحاكه وركش اولديغى يو دفعه محلنجه تحقق ايتديكى ودردنجيسى مومى اليهانك ينده بولنان اعلام وامر عاليده نمقدار اراضى محرر ايسه الحاله هذه تصرف داعيه سنده بولنديغى اراضيدن بر قاچ قات زياده اولديغنك عندالتدقيق تبين ايدى جكنى ميندر

معلومات محليه نرى اكلاشلق اوزره مشارليه على شفيق بك افندي ايله بر منوال محرر سكسان بر تاريخنده خانم مومى اليها ايله اهاى مرقومه بيننده تكون ايدن منازعه اوزرينه محله كوندريلان مولى ايله برابر مأموراً اعزام قلنان حواله جمعيتى رئيسى سعادتلو رشدى افندي دخی دائره ده دعوت ايله كندوزندن استفسار كيفيت اولندقه على شفيق بك افندي خانم مومى اليهانك مذكور چفتلكده درت نقطه اعتباريله متفرقاً مقدما يد تصرفنه كچوردىكى اراضى به شونك بونك اراضيسى دخی اهايسيه برابر نصلمسه ادخال ايتديروب اعلام شرعى وفرمان على استحصال ايتش اولديغى وبوخصوصك شايان دقت مواددن بولنديغى بيان ورشدى افندي دخی كندوسنك مأموريتى سكر سنه بي مجاوز اولديغى جهته كيفيت بلاطرف خاطر كندارى اوليوب انجى اولوقت

محلنجه جريان ايدن تدقيقات اوزرينه مولى محمد امين افندي طرفندن ويريلان بش قطعه اعلام شرعى ومحلندن كلان مضبطه مجلس والاده دخی بالتدقيق موجبجه امر على اصدار قلنديغى اتيان ايلديلر

خانم مومى اليهانك ينده بولنان ايكي قطعه امر على ايله بش قطعه اعلام شرعى وكيلى حسن فهمى افنديدن اخذ ومطالعه اولندقه بولردن ۱۴ شعبان سنه ۶۳ تاريخلى امر عاليده خانم مومى اليهانك پدرى متوفى عبد الكريم بكدن ورثه سنه انتقال ايدن ولاديه وماچقوه چفتلكى اراضيسنك مقدار وحدود ومشمولاتك ذكر بيانيه ورثه مرقومه به تسليم وتصرفنه اراده سنه تعلق ايتديكى محرردر

۲۷ جاذى الاول سنه ۸۱ تاريخيله مورخ ومولى محمد امين افندي مهربله مختوم بش قطعه اعلام شرعيده دخی حدود ومقدارى كوستريلان بوغروج چفتلكنده واقع قرق بر قطعه ويته بوغروج چفتلكنده التى قطعه وكوكلى چفتلكنده بر قطعه وماچقوه چفتلكنده ايكي قطعه ويته بوغروج چفتلكنده اوچ قطعه اراضى به واضع ايد اولان اهاى ايله خانم مومى اليهانك وكيلك اجرا اولنان محاكمه شرعيه زنده ارضى محو عنهما خانم مومى اليهانك متصرفه اولديغى چفتلكره تبعيله زراعت وحرث اولنوب اون سكر سنه دنبرو خانم مومى اليهانك تصرفنده اولديغى حالده يدى سنه دنبرو اشخاص مرقومه طرفندن فضولى ضبط وتصرف اولنديغى بعضيسنك اقرار واعترافى وبعضيسنك انكارى اوزرينه اقامه اولنان شاهدرك شهادتى ايله متحقق اولديغدن اراضى مرقومه نك خانم مومى اليهايه رد وتسليمه تنبيه اولنديغى مرقدر

ذكر اولنان اعلامات شرعيه اوزرينه ۳ شعبان سنه ۸۲ تاريخيله صادر اولان فرمان على مفاد

جليلى دخی خانم مومى اليهانك معلوم الاسم چفتلكارى اراضيسنه بعض طرفدن وقوع بولان مداخله اوزرينه جريان ايدن معاملات وتدقيقاته منازع فيه اولان اراضينك بوغروج وماچقوه وكوكلى چفتلكارى داخلنده بولندقلى ومذكور چفتلكرك حاوى ومشمول اولديغى كافه اراضى اميريه دن اوله رق خانم مومى اليهانك عهده تصرفنده ايدوكى تبين ايلديكى بيان عالمسيه خانم مومى اليهانك باطاپو تصرفنده اولان مذكور چفتلكرك اراضيسنه اولنان مداخله نك منع ودفعى حكمنى شاملدر

كيفيت لى المذاكره تفصيلات مسروده دن اكلاشديغى اوزره منازعه محو عنهما التى ماده دن عبارت اولوب برنجيسى خانم مومى اليهانك متصرف اولديغى چفتلك وارضينك حدودنى تجاوزله اهاينك من القديم متصرف اولدقلى اراضى به دخل وتعرض ايتديكى وايكنجيسى سكسان بر تاريخنده مولاى مخصوص معرفتيله اجرا اولنان محاكمه شرعيه ده اهاينك اكثريسى حاضر اولقسرين باطاپو متصرف اولدقلى درت يوز بوقدر دوئم مقدارى اراضى وسارنك خانم مومى اليهايه حكم اولنديغى واونجيسى خانم مومى اليها بواراضى به دخی قانع اولميه رق خريستان اهاينك سكسان ايكي اوچ تاريخلنده تفرغ ايتش اولدقلى اراضى به حق اولديغى حالده بونلر طلب ودعاويه قيام ايله طاپو سندرينى استحصال ايتسى ودردنجيسى سالف البيان قرق عدد خانه بدنك صورت تسويه واعطاسى وپنجيسى خانم مومى اليهانك چفتلكى داخلنده قديم محلنده بولنان اسكله يرينى ترك ايله حاجى عبداله نك اراضيسننده مجدداً اسكله انشا ايتسى والتنجيسى اهايلدن صادق اغا ايله بيننده اولان قابريقه ماده نرى اوله رق ولايت مشار اليهانك تحرير اتنده دخی مومى اليهانك

خرستیان اهالی یدنده بولنان اراضیده حق اولدبغی
وبدائی دخی هنوز ویرمدیکی جیتله استحصالی ایش
اولدبغی طاپو سندزینک مقتضایه کندیوسندن
بالاسترداد قیدینک تصحیح ایتدیرلسی واهالی سائر
ایله اولان ادعازک تدقیق ایچون خانم مومی ایها
طرفندن بروکبک تعیین واعزامی زومی انها اولنش
وخاتم مومی ایها دخی کیفیتک بوراجه تدقیق
ورؤیتی ادعاسنده بولنش ایسهده مواد مشروحهدن
سکسان بر تاریخنده خانم مومی ایهایه حکم اولنان
اراضی کیفیتکی بر منوال محرر مولای مخصوص
معرفتیله محلنده بارؤیه اعلامات شرعییه ربط
اولندیغنه وبومثللو شرعاً فصل وتسویه اولنان
موادک تکرارمخنده ویاخود دیوان احکام عدلیهده
رؤیت وفصلی نظاماً جائز اولوب فقط بومقوله
اعلامات شرعییه حقنده بر کونه اعتراض اولندیغی
تقدیرده کیفیات واسبابنک بیانله باب والای فتوا
پناهیده تدقیق ایتدیرلسی اصول جاریهده بولندیغنه
مبنی مذکور اعلاملرده مندرج اراضی حقنده
دائرة جه شمدیلک برشی دنیه میه جکی کبی خانم مومی
ایهانک استحصالی ایلدیک طاپو سندتندن طولای
اهالی مرقومه ایله محاکمه سی اجرا اولندیغنه سندت
مذکوره نک استرداد دخی قابل اولوب بوماده نک
وکرک قصور موادک محلی مجلسنده اصوله واراضی
قانونامه همایونی احکامنه توفیقاً بالمحاکمه فصل
ورؤیتی لازمه دن بولنش اولسبیل وکیلان مومی
ایها طرفندن وریلان ساقف الذکر لایحه نهله
مشار الیه علی شفیق بک افندی نک تحریراتی
صورتلری ولایت مشار البهایه بالارسال بر منوال
محرر اعلام شرعییه مربوط درتوز بوقدر دوم
اراضی ماده سندن ماعداً منازع فیه اولان اراضی
وخانه محلی واسکله وفابریقه ماده زینک محلجه
عائد اولدیغی مجلسده شرع شریف وقانون منیفه
تطبیقاً غرضسنز اوله رق تدقیقات لازمه ایفا

وطرفینک محاکمه لری اجرا اولنه رق فصل وخسم
اولنسی واسترداد ایها اولنان طاپو سنداتی
حقنده حاصل اوله جق نتیجه یه کوره محلجه اجرای
ایجابی ایله کیفیتک دفتر خانه یه بیلدیرلسی ومار
الذکر بش قطعه اعلام شرعی حقنده درمیان
اولنان اعتراضات دخی کذلک غرضسنزجه
بالتحقیق نتیجه صحیح سنک مقام سامی فتوا پناه یه
انهایه خصوصلرینک ولایت مشار البهایه اشعار
وبر منوال محرر محلجه اجرا اولنه جق محاکمه ده
بولنقی اوزره خانم مشار ایها طرفندن بروکبک
تعیین ارسال اولنسی ضمنده اوراق مزبور نک
حواله جمعیتنه حواله بیوراسنه قرار ویرلدی

✽ تمیز حقوق دائرة سندن وریلان اعلام ✽
✽ صورتیدر ✽

ملتمیندن دور علی ایله ابراهیم وشاکر افندیلر
بیننده تحدت ایدن التزام شرکتی منازعه سنه دایر
طونه ولایتندن وارد اولان ۴ ذالحجه سنه ۲۸۹
تاریخی وبش یوز الی نومرولی تحریرات دیوان
احکام عدلیه یه حواله بیورمغله حقوق دائرة سنده
مطالعه اولندی

تحریرات مذکوره نک خلاصه مالی خصوص مذکورک
بعض تفرعاتی حقنده استیدان معاملیه یی شامل
دیوان تمیز ولایتدن اعطا اولنان غره ذالحجه
سنه ۲۸۹ تاریخی مضبوطه ایله اوراق متفرعه سی
کوندردیکندن بحثله مقتضاسنی استشعاردن عبارتدر
ذکر اولنان مضبوطه واوراق متفرعه نک فندلیکه
مندرجاتی ملترمین مرقومه نک سکسان بش سنه سنه
محسوباً درعهده ایتدکلی خرسوه قصبه سیله
طشره مهاجر وواروش محله لری وچوبان قیوسی
قریه سنک حاصلات عشریه محاسبه سندن طولای
بینلرنده تکیون ایدن منازعه نک رؤیتی مشترکا
(بقیه یی صکره)